

judicari: Judæis non nocui, sicut tu melius nosti. Si enim nocui, aut dignum morte aliquid feci, non recuso mori: si vero nihil est eorum, quæ hi accusant me, nemo potest me illis donare. Cæsarem appello. Tunc Festus cum concilio locutus, respondit: Cæsarem appellasti? ad cæsarem ibis.

Te Deum laudamus. 20.

Ad Bened. Aña. Nonne sic oportuit * pati Christum, et ita intrare in gloriam suam? alleluia.

Ad Vesperas, nisi occurrat Festum novem Lect. a Capitulo fit de S. Maria.

SABBATO.

De Actibus Apostolorum.

Lectio j. Cap. xxviii. d

CUM autem venissemus Romam, permissum est Paulo manere sibi cum custodiente se milite. Post tertium autem diem convocavit primos Judæorum. Cumque convenissent, dicebat eis: Ego, viri fratres, nihil adversus plebem faciens, aut morem paternum, vinctus ab Hierosolymis traditus sum in manus Romanorum, qui cum interrogationem de me habuissent, voluerunt

me dimittere, eo quod nulla esset causa mortis in me. Contradictibus autem Judæis, coactus sum appellare cæsarem, non quasi gentem meam habens aliquid accusare. Propter hanc igitur causam rogavi vos videre, et alloqui. Propter spem enim Israel catena hac circumdatus sum.

Lectio ij.

AT illi dixerunt ad eum: Nos neque literas accepimus de te a Judæa, neque adveniens aliquis fratrum nuntiavit, aut locutus est quid de te malum. Rogamus autem a te audire quæ sentis: nam de secta hac notum est nobis, quia ubique ei contradicitur. Cum constituissemus autem illi diem, venerunt ad eum in hospitium plurimi, quibus exponebat testificans regnum Dei, suadensque eis de Jesu ex lege Moysi, et Prophetis a mane usque ad vesperam. Et quidam credebant his, quæ dicebantur: quidam vero non credebant.

Lectio iij.

Cumque invicem non essent consentientes, discedebant dicente Paulo

unum verbum: Quia bene Spiritus sanctus locutus est per Isaiam Prophetam ad patres nostros, dicens: Vade ad populum istum, et dic ad eos: Aure audietis, et non intelligetis: et videntes videbitis, et non perspicietis. Incrassatum est enim cor populi hujus, et auribus graviter audiunt, et oculos suos compresserunt: ne forte videant oculis, et auribus audiant, et corde intelligent, et convertantur, et sanem eos. Notum ergo sit vobis, quoniam Gentibus missum est hoc salutare Dei, et ipsi audient. Et cum hæc dixisset, exierunt ab eo Judæi, multam habentes inter se questionem. Mansit autem biennio toto in suo conducto: et suscipiebat omnes, qui ingrediebantur ad eum, prædicans regnum Dei, et docens quæ sunt de Domino Jesu Christo cum omni fiducia, sine prohibitione.

AD VESPERAS.

Capitulum. i. Petr. ij. c

Carissimi, Obsecro vos tamquam advenas et peregrinos abstinere vos a carnalibus desideriis, quæ militent adversus animam.

Hymnus. Ad régias. 154.
 ✠. Mane nobiscum Domine, alleluia. ✠. Quoniam advesperascit, alleluia.

Ad Magnif. Aña. Modicum* et non videbitis me, dicit Dominus: iterum modicum, et videbitis me, quia vado ad Patrem, alleluia, alleluia.

Oratio.

Deus, qui errantibus, ut in viam possint redire justitiæ, veritatis tuæ lumen ostendis: da cunctis qui christiana professione censentur, et illa respuere, quæ huic inimica sunt nomini, et ea quæ sunt apta, sectari. Per Dominum.

Commem. de Cruce. 173.

DOM. III. POST PASCHA.

AD MATUTINUM.

Omnia ut in Psalterio pro tempore Paschali. 4.

In I. Nocturno.

Incipit liber Apocalypsis beati Joannis Apostoli.

Lectio j. Cap. j.

Apocalypsis Jesu Christi, quam dedit illi Deus palam facere servis suis, quæ oportet fieri cito: et significavit, mittens per Angelum suum servo suo Joanni, qui testimonium

perhibuit verbo Dei, et testimonium Jesu Christi, quaecumque vidit. Beatus, qui legit, et audit verba prophetiae hujus: et servat ea, quae in ea scripta sunt: tempus enim prope est. Joannes septem Ecclesiis, quae sunt in Asia. Gratia vobis, et pax ab eo, qui est, et qui erat, et qui venturus est: et a septem spiritibus, qui in conspectu throni ejus sunt: et a Jesu Christo, qui est testis fidelis, primogenitus mortuorum, et princeps regum terrae, qui dilexit nos, et lavit nos a peccatis nostris in sanguine suo, et fecit nos regnum, et sacerdotes Deo et Patri suo: ipsi gloria, et imperium in saecula saeculorum, Amen.

R. Dignus es Domine accipere librum, et aperire signacula ejus, alleluia: quoniam occisus es, et redemisti nos Deo, * In sanguine tuo, alleluia. **V.** Fecisti enim nos Deo nostro regnum, et sacerdotium. — In sanguine.

Lectio ij.

Ecce venit cum nubibus, et videbit eum omnis oculus, et qui eum pupugerunt. Et plangent se super eum omnes tri-

bus terrae: Etiam: Amen. Ego sum alpha, et omega, principium, et finis, dicit Dominus Deus: qui est, et qui erat, et qui venturus est, omnipotens. Ego Joannes frater vester, et particeps in tribulatione, et regno et patientia in Christo Jesu: fui in insula, quae appellatur Patmos, propter verbum Dei, et testimonium Jesu: fui in Spiritu in Dominica die, et audivi post me vocem magnam tamquam tubae, dicentis: Quod vides, scribe in libro: et mitte septem Ecclesiis, quae sunt in Asia, Epheso, et Smyrnae, et Pergamo, et Thyatirae, et Sardis, et Philadelphiae, et Laodiciae.

R. Ego sicut vitis fructificavi suavitatem odoris, alleluia: * Transite ad me omnes qui concupiscitis me, et a generationibus meis adimplerini, alleluia, alleluia. **V.** In me omnis gratia viae et veritatis: in me omnis spes vitae et virtutis. — Transite.

Lectio iij.

Et conversus sum, ut vidirem vocem, quae loquebatur mecum: et conversus vidi septem

candelabra aurea: et in medio septem candelabrorum aureorum similem filio hominis, vestitum podere, et praecinctum ad mamillas zona aurea: caput autem ejus et capilli erant candidi tamquam lana alba, et tamquam nix, et oculi ejus tamquam flamma ignis, et pedes ejus similes aurichalco, sicut in camino ardenti, et vox illius tamquam vox aquarum multarum: et habebat in dextera sua stellas septem: et de ore ejus gladius utraque parte acutus exibat: et facies ejus sicut sol lucet in virtute sua. Et cum vidissem eum, cecidi ad pedes ejus tamquam mortuus. Et posuit dexteram suam super me, dicens: Noli timere: ego sum primus, et novissimus, et vivus, et fui mortuus, et ecce sum vivens in saecula saeculorum, et habeo claves mortis, et inferni. Scribe ergo quae vidisti, et quae sunt, et quae oportet fieri post haec.

R. Audivi vocem de caelo tamquam vocem tonitruum magni, alleluia: regnabit Deus noster in aeternum, alleluia: * Quia facta est

salus, et virtus, et potestas Christi ejus, alleluia, alleluia. **V.** Et vox de throno exivit, dicens: Laudem dicite Deo nostro omnes sancti ejus, et qui timetis Deum pusilli et magni. — Quia. Gloria Patri. Quia.

In II. Nocturno.

Sermo sancti Augustini Episcopi.

Serm. cxlvij. de Temp.

Lectio iv.

R. Elebus his sanctis resurrectioni Domini dedicati, quantum donante ipso possumus, de carnis resurrectione tractemus. Haec enim est fides nostra: hoc donum in Domini nostri Jesu Christi nobis carne promissum est, et in ipso praecessit exemplum. Voluit enim nobis, quod promisit in fine, non solum praenuntiare, sed etiam demonstrare. Illi quidem qui tunc fuerunt, cum illum viderent, et cum expavescerent, et spiritum se videre crederent, soliditatem corporis tenuerunt. Locutus est enim non solum verbis ad aures eorum, sed etiam specie ad oculos eorum: parumque erat se praebere cernendum, nisi etiam offer-

ret pertractandum, atque palpandum.

R. Locutus est ad me unus ex septem Angelis, dicens : Veni ostendam tibi novam nuptam, sponsam Agni : * Et vidi Jerusalem descendentem de caelo, ornata monilibus suis, alleluia, alleluia, alleluia. **V.** Et sustulit me in spiritu in montem magnum et altum. — Et vidi.

Lectio v.

AIT enim : Quid turbati estis, et cogitationes ascendant in cor vestrum? Putaverunt enim se spiritum videre. Quid turbati estis, inquit, et cogitationes ascendant in cor vestrum? Videte manus meas, et pedes meos : palpate, et videte : quia spiritus ossa, et carnem non habet, sicut me videtis habere. Contra istam evidentiam disputabant homines. Quid enim aliud facerent homines, qui ea, quae sunt hominum, sapiunt, quam sic disputare de Deo contra Deum? Ille enim Deus est, isti homines sunt. Sed Deus novit cogitationes hominum, quoniam vanae sunt.

R. Audivi vocem in caelo Angelorum multorum di-

centium : * Timete Dominum, et date claritatem illi, et adorare eum, qui fecit caelum et terram, mare et fontes aquarum, alleluia, alleluia. **V.** Vidi Angelum Dei fortem, volantem per medium caeli, voce magna clamantem, alleluia, alleluia. — Timete.

Lectio vij.

IN homine carnali tota regula intelligendi est consuetudo cernendi. Quod solent videre, credunt : quod non solent, non credunt. Praeter consuetudinem facit Deus miracula, quia Deus est. Majora quidem miracula sunt, tot quotidie homines nasci, qui non erant, quam paucos resurrexisse, qui erant : et tamen ista miracula non consideratione comprehensa sunt, sed assiduitate viluerunt. Resurrexit Christus : absoluta est res. Corpus erat, caro erat : pependit in cruce, emisit animam, posita est caro in sepulcro. Exhibuit illam vivam, qui vivebat in illa. Quare miramur? quare non credimus? Deus est, qui fecit.

R. Veniens a Libano quam pulchra facta est, alleluia : * Et odor vesti-

mentorum ejus super omnia aromata, alleluia, alleluia. **V.** Favus distillans labia ejus, mel et lac sub lingua ejus. — Et odor. **Gloria Patri.** Et odor.

In III. Nocturno.

Lectio sancti Evangelii secundum Joannem.

Lectio vij. Cap. xvj. b

IN illo tempore : Dixit Jesus discipulis suis : Modicum, et jam non videbitis me : et iterum modicum, et videbitis me : quia vado ad Patrem. Et reliqua.

Homilia sancti Augustini Episcopi. **Tract. cj. in Joann. sub finem.**

Modicum est hoc totum spatium, quo praesens pervolat saeculum. Unde dicit idem ipse Evangelista in Epistola sua : Novissima hora est. Ideo namque addidit : Quia vado ad Patrem : quod ad priorem sententiam referendum est, ubi ait : Modicum, et jam non videbitis me : non ad posteriorem, ubi ait : Et iterum modicum, et videbitis me. Eundo quippe ad Patrem, facturus erat ut eum non viderent. Ac per hoc non ideo dictum est, quia fuerat moriturus, et

donec resurgeret, ab eorum aspectibus recessurus : sed quod esset iturus ad Patrem, quod fecit posteaquam resurrexit, et cum eis per quadraginta dies conversatus, ascendit in caelum.

R. Decantabat populus Israel, alleluia : et universa multitudo Jacob canebat legitime : * Et David cum cantoribus citharam percutiebat in domo Domini, et laudes Deo canebat, alleluia, alleluia.

V. Sanctificati sunt ergo sacerdotes et Levitae : et universus Israel deducebat arcam foederis Domini in jubilo. — Et David.

Lectio viij.

Illis ergo ait : Modicum, et jam non videbitis me ; qui eum corporaliter tunc videbant : quia iturus erat ad Patrem, et eum deinceps mortalem visuri non erant, qualem, cum ista loqueretur, videbant. Quod vero addidit : Et iterum modicum, et videbitis me : universae promisit Ecclesiae, sicut universae promisit : Ecce ego vobiscum sum usque ad consummationem saeculi. Non tardat Dominus promissum. Modicum, et

vidébitur eum; ubi jam nihil rogémus, nihil interrogémus, quia nihil desiderandum remanébit, nihil quæréndum latébit.

R. Tristitia vestra, allelúia, * Convertétur in gáudium, allelúia, allelúia. **V.** Mundus autem gaudébit, vos vero contristabimini: sed tristitia vestra. — Convertétur. Glória Patri. Convertétur.

Lectio ij.

HOC módicum longum nobis vidétur, quóniam adhuc ágitur: cum finítum fúerit, tunc sentiémus quam módicum fúerit. Non ergo sit gáudium nostrum quale habet mundus, de quo dictum est: Mundus autem gaudébit. Nec tamen in hujus desiderii parturitíone sine gáudio tristes simus: sed, sicut ait Apóstolus: Spe gaudéntes: In tribulatióne patientes: quia et ipsa partúriens, cui comparáti sumus, plus gaudet de mox futura prole, quam tristis est de præsenti dolore. Sed hujus sermónis iste sit finis: habent enim quæstiónem molestíssimam, quæ sequúntur: nec brevitate coarctánda sunt, ut possint commódus, si

Dóminus volúerit, explicári.

Te Deum. 20.

AD LAUDES.

Añae et Psalmi de Psalterio. 21.

Capitulum. 1. Petr. ij. c.
CARÍSSIMI, Obsecro vos tamquam ádvenas et peregrínos abstinére vos a carnálibus desidériis, quæ militánt advérsus ánimam.

Hymn. Auróra. 25.

V. In resurrectione tua Christe, allelúia. **R.** Coeli et terra læténtur, allelúia.

Ad Bened. Aña. Módicum * et non vidébitis me, dicit Dóminus: íterum módicum, et vidébitis me, quia vado ad Patrem, allelúia, allelúia.

Oratio.

DEUS, qui errántibus, ut in viam possint redíre justítiae, veritátis tuæ lumen osténdis: da cunctis qui christiána professione censéntur, et illa respúere, quæ huic inimíca sunt nómini, et ea quæ sunt apta, sectári. Per Dóminum.

Deinde de Cruce. 390.

AD TERTIAM.

Capit. ut ad Laudes.

R. br. Surréxit. **V.** Surréxit. 402.

AD SEXTAM.

Capitulum. 1. Petr. ij. c.
SUBJÉCTI igitur estóte omni humanæ creatúræ propter Deum: sive regi quasi præcellénti: sive dúcibus tamquam ab eo missis ad vindíctam malefactorum, laudem vero bonorum.

R. br. Surréxit. **V.** Gavísi sunt. 402.

AD NONAM.

Capitulum. 1. Petr. ij. c.
SERVI súbditi estóte in omni timóre dóminis, non tantum bonis et modéstis, sed étiam dyscolis. Hæc est enim grátia in Christo Jesu Dómino nostro.

R. br. Gavísi. **V.** Mane nobíscum. 403.

AD VESPERAS.

Añae et Psalmi de Dominica. 147.

Capit. ut ad Laudes. 416.

Hymnus. Ad régias. 151.

V. Mane nobíscum Dómine, allelúia. **R.** Quóniam advesperáscit, allelúia.

Ad Magnif. Aña. Amen dico vobis, * quia plorábitis et flébitis vos: mundus autem gaudébit, vos vero contristabimini: sed tristitia vestra convertétur in gáudium, allelúia.

Deinde de Cruce. 173.

FERIA SECUNDA.

De libro Apocalypsis beáti Joánnis Apóstoli:

Lectio j. Cap. ij.

Angelo Ephesi Ecclésiæ scribe: Hæc dicit, qui tenet septem stellas in dextera sua, qui ámbulat in médio septem candelabrórum aureórum: Scio ópera tua, et labórem, et patiéntiam tuam, et quia non potes sustinére malos: et tentásti eos, qui se dicunt Apóstolos esse, et non sunt: et invenísti eos mendáces: et patiéntiam habes, et sustinuísti propter nomen meum, et non defecísti. Sed hábeo advérsus te, quod caritátem tuam primam reliquísti. Memor esto itaque unde excíderis: et age pœniténtiam, et prima ópera fac. Sin autem, vénio tibi, et movébo candelábrum tuum de loco suo, nisi pœniténtiam égeris. Sed hoc habes, quia odísti facta Nicolaitarum, quæ et ego odi. Qui habet aurem, áudiat quid Spíritus dicat Ecclésiis: Vincénti dabo édere de ligno vitæ, quod est in paradíso Dei mei.

R. Vidi portam civitatis ad Orientem positam, et Apostolorum nomina et Agni super eam scripta : * Et super muros ejus Angelorum custodiam, allelúia. **V.** Vidi cælum novum, et terram novam, et civitatem novam descendentem de cælo. — Et.

Lectio ij.

ET Angelo Smyrnæ Ecclésiæ scribe : Hæc dicit primus, et novissimus, qui fuit mortuus, et vivit : Scio tribulationem tuam, et paupertatem tuam, sed dives es : et blasphemaris ab his, qui se dicunt Judæos esse, et non sunt, sed sunt synagoga satanæ. Nihil horum timeas quæ passurus es. Ecce missurus est diabolus aliquos ex vobis in carcerem ut tentemini : et habebitis tribulationem diebus decem. Esto fidelis usque ad mortem, et dabo tibi coronam vitæ. Qui habet aurem, audiat quid Spiritus dicat Ecclésiis : Qui vicerit, non lædetur a morte secunda.

R. Ostendit mihi Angelus fontem aquæ vivæ, et dixit ad me, allelúia : * Hic Deum adóra, allelúia, allelúia, allelúia. **V.** Post-

quam audissem et vidissem, cecidi ut adorarem ante pedes Angeli, qui mihi hæc ostendebat, et dixit mihi. — Hic. Glória Patri. Hic.

Lectio iij.

ET Angelo Pérgami Ecclésiæ scribe : Hæc dicit qui habet rhamnæam utraque partem acutam : Scio ubi habitas, ubi sedes est satanæ : et tenes nomen meum, et non negasti fidem meam. Et in diebus illis Antipas testis meus fidelis, qui occisus est apud vos, ubi satanas habitat. Sed habeo adversus te pauca : quia habes illic tenentes doctrinam Balaam, qui docebat Balac mittere scandalum coram filiis Israel, edere, et fornicari : ita habes et tu tenentes doctrinam Nicolaitarum. Similiter penitentiam age : si quo minus veniam tibi cito, et pugnabo cum illis in gladio oris mei. Qui habet aurem, audiat quid Spiritus dicat Ecclésiis : Vincenti dabo manna absconditum, et dabo illi calciculum candidum : et in calciculo nomen novum scriptum, quod nemo scit, nisi qui accipit. **Te Deum. 20.**

Ad Bened. Aña. Et incipiens * a Mōyse et omnibus Prophetis, interpretabatur illis scripturas, quæ de ipso erant, allelúia.

Ad Magnificat, Aña. Tristitia vestra * vertetur in gaudium, allelúia : et gaudium vestrum nemo tollet a vobis, allelúia, allelúia.

FERIA TERTIA.

De libro Apocalypsis beati Joannis Apostoli.

Lectio j. Cap. iv.

Est hæc vidi : et ecce ostium apertum in cælo, et vox prima, quam audivi tamquam tubæ loquentis mecum, dicens : Ascende huc, et ostendam tibi quæ oportet fieri post hæc. Et statim fui in spiritu : et ecce sedes posita erat in cælo, et supra sedem sedens. Et qui sedebat, similis erat aspectui lapidis jaspidis et sardinis : et iris erat in circuitu sedis similis visioni smaragdineæ. Et in circuitu sedis sedilia vigintiquatuor : et super thronos vigintiquatuor seniores sedentes, circumamicti vestimentis albis, et in capitibus eorum coronæ aureæ. Et de throno procedebant ful-

gura, et voces, et tonitrua : et septem lampades ardentes ante thronum, qui sunt septem spiritus Dei.

R. Vidi Jerusalem descendentem de cælo, ornata auro mundo, et lapidibus pretiosis intextam, * Allelúia, allelúia. **V.** Et erat structura muri ejus ex lapide jaspide, ipsa vero aurum mundum, simile vitro mundo. — Allelúia.

Lectio ij.

ET in conspectu sedis tamquam mare vitreum simile crystallo : et in medio sedis, et in circuitu sedis quatuor animalia plena oculis ante et retro. Et animal primum simile leóni, et secundum animal simile vitulo, et tertium animal habens faciem quasi hominis, et quartum animal simile aquilæ volanti. Et quatuor animalia, singula eorum habebant alas senas : et in circuitu, et intus plena sunt oculis : et requiem non habebant die ac nocte, dicentia : Sanctus, sanctus, sanctus, Dominus Deus omnipotens, qui erat, et qui est, et qui venturus est. **R.** In diademate capitis

Aaron magnificētia Dómini sculpta erat: * Dum perficeretur opus Dei, allelúia, allelúia, allelúia. **V.** In veste enim poderis quam habebat, totus erat orbis terrarum, et parēntum magnalia in quatuor ordinibus lapidum sculpta erant. — Dum. **Glória Patri.** Dum.

Lectio iij.

ET cum darent illa animalia glóriam, et honorem, et benedictionem sedenti super thronum, viventi in sæcula sæculorum, procidēbant viginti quatuor seniores ante sedentem in throno, et adorabant viventem in sæcula sæculorum, et mittebant coronas suas ante thronum dicentes: Dignus es Dómine Deus noster accipere glóriam, et honorem, et virtutem: quia tu creasti omnia, et propter voluntatem tuam erant, et creata sunt.

Te Deum laudamus. 20.

Ad Bened. Añā. Et cogerunt illum, * dicentes: Mane nobiscum Dómine, quoniam advesperascit, allelúia.

Ad Magnif. Añā. Tristitia implēvit * cor vestrum: et gaudium vestrum nemo

tollet a vobis, allelúia, allelúia.

FERIA QUARTA.

De libro Apocalypsis beati Joannis Apóstoli.

Lectio j. Cap. v.

ET vidi in dextera sedentis supra thronum, librum scriptum intus et foris, signatum sigillis septem. Et vidi Angelum fortem, predicantem voce magna: Quis est dignus aperire librum, et solvere signacula ejus? Et nemo poterat neque in celo, neque in terra, neque subter terram aperire librum, neque respicere illum. Et ego flebam multum, quoniam nemo dignus inventus est aperire librum, nec videre eum. Et unus de senioribus dixit mihi: Ne flēveris: ecce vici leo de tribu Juda, radix David, aperire librum, et solvere septem signacula ejus. Et vidi: et ecce in medio throni et quatuor animalium, et in medio seniorum, Agnum stantem tamquam occisum, habentem cornua septem, et oculos septem: qui sunt septem spiritus Dei, missi in omnem terram. Et venit, et accepit de

dextera sedentis in throno librum.

R. Platēa tuæ Jerúsalem sternentur auro mundo, allelúia: et cantabitur in te canticum lætitiæ, allelúia: * Et per omnes vicos tuos ab universis dicetur, allelúia, allelúia. **V.** Luce splendida fulgebis, et omnes fines terræ adorabunt te. — Et per omnes.

Lectio ij.

ET cum aperisset librum, quatuor animalia, et viginti quatuor seniores ceciderunt coram Agno, habentes singuli citharas, et phialas aureas plenas odorum, quæ sunt orationes sanctorum: et cantabant canticum novum, dicentes: Dignus es Dómine accipere librum, et aperire signacula ejus: quoniam occisus es, et redemisti nos Deo in sanguine tuo ex omni tribu, et lingua, et populo, et natione: et fecisti nos Deo nostro regnum, et sacerdotes: et regnabimus super terram.

R. Decantabat populus Israel, allelúia: et universa multitudo Jacob canebat legitime: * Et David cum cantoribus citharam percutiebat in domo Dó-

mini, et laudes Deo canebat, allelúia, allelúia.

V. Sanctificati sunt ergo sacerdotes et Levitæ: et universus Israel deducebat arcam foederis Dómini in júbilo. — Et David. **Glória Patri.** Et David.

Lectio iij.

ET vidi, et audivi vocem Angelorum multorum in circuitu throni, et animalium, et seniorum: et erat numerus eorum millia millium, dicentium voce magna: Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et glóriam, et benedictionem. Et omnem creaturam, quæ in celo est, et super terram, et sub terra, et quæ sunt in mari, et quæ in eo: omnes audivi dicentes: Sedenti in throno, et Agno: benedictio, et honor, et glória, et potestas in sæcula sæculorum. Et quatuor animalia dicebant: Amen. Et viginti quatuor seniores ceciderunt in facies suas: et adoraverunt viventem in sæcula sæculorum.

Te Deum. 20.

Ad Bened. Añā. Mane nobiscum, * quoniam ad-

vesperāscit, et inclināta est jam dies, allelúia.

Ad Magnif. Añā. Tristitia vestra,* allelúia, vertetur in gaudium, allelúia.

FERIA QUINTA.

De libro Apocalypsis beāti Joānnis Apóstoli.

Lectio j. Cap. xv.

ET vidi aliud signum in cœlo magnum, et mirabile, Angelos septem, habentes plagas septem novissimas: quoniam in illis consummata est ira Dei. Et vidi tamquam mare vitreum mistum igne, et eos, qui vicērunt bestiam, et imaginem ejus, et numerum nominis ejus, stantes super mare vitreum, habentes citharas Dei: et cantantes canticum Mōysi servi Dei, et canticum Agni, dicentes: Magna et mirabilia sunt opera tua Dōmine Deus omnipotens: justae et verae sunt viae tuae, Rex saeculorum. Quis non timēbit te Dōmine, et magnificābit nomen tuum? quia solus pius es: quoniam omnes gentes venient, et adorābunt in conspectu tuo, quoniam iudicia tua manifestā sunt.

R. Dignus es. 412.

Lectio ij.

ET post hæc vidi, et ecce apertum est templum tabernaculi testimonii in cœlo: et exierunt septem Angeli habentes septem plagas de templo, vestiti lino mundo, et candido, et præcincti circa pectora zonis aureis. Et unum de quatuor animalibus dedit septem Angelis septem phialas aureas, plenas iracundiæ Dei viventis in sæcula saeculorum. Et implētum est templum fumo a maiestate Dei, et de virtute ejus: et nemo poterat introire in templum, donec consummarētur septem plagae septem Angelorum.

R. Ego sum vitis. 412. cum Glōria Patri. Transite. in fine.

Lectio iij. Cap. xvj.

ET audivi vocem magnam de templo, dicentem septem Angelis: Ite, et effundite septem phialas iræ Dei in terram. Et abiit primus, et effudit phialam suam in terram, et factum est vulnus saevum, et pessimum in homines, qui habebant caracterem bestiae, et in eos, qui adoraverunt imaginem ejus. Et secundus

Angelus effudit phialam suam in mare, et factus est sanguis tamquam mortui: et omnis anima vivens mortua est in mari. Et tertius effudit phialam suam super flumina, et super fontes aquarum, et factus est sanguis. Et audivi Angelum aquarum dicentem: Justus es Dōmine qui es, et qui eras sanctus, qui hæc iudicasti: quia sanguinem Sanctorum et Prophetarum effuderunt, et sanguinem eis dedisti bibere: digni enim sunt.

Te Deum laudamus. 20.

Ad Bened. Añā. Et intravit * cum illis: et factum est, dum recumberet cum illis, accepit panem, et benedixit, ac fregit, et porrigēbat illis, allelúia, allelúia.

Ad Magnif. Añā. Amen amen dico vobis, * iterum videbo vos, et gaudēbit cor vestrum, et gaudium vestrum nemo tollet a vobis, allelúia.

FERIA SEXTA.

De libro Apocalypsis beāti Joānnis Apóstoli.

Lectio j. Cap. xix.

Est hæc audivi quasi vocem turbarum multarum in cœlo dicentium: Allelúia: Sa-

lus, et glōria, et virtus Deo nostro est: quia vera, et justa iudicia sunt ejus, qui iudicavit de meretrice magna, quae corrupit terram in prostitutione sua, et vindicavit sanguinem servorum suorum de manibus ejus. Et iterum dixerunt: Allelúia. Et fumes ejus ascendit in saecula saeculorum. Et ceciderunt seniores viginti-quatuor, et quatuor animalia, et adoraverunt Deum sedentem super thronum, dicentes: Amen: Allelúia. Et vox de throno exivit, dicens: Laudate Deo nostro omnes servi ejus: et qui timētis eum pusilli, et magni.

R. Locutus est. 414.

Lectio ij.

ET audivi quasi vocem turbæ magnæ, et sicut vocem aquarum multarum, et sicut vocem tonitruorum magnorum, dicentium: Allelúia: quoniam regnavit Dōminus Deus noster omnipotens. Gaudeamus, et exultemus: et demus glōriam ei: quia venerunt nuptiæ Agni, et uxor ejus preparavit se. Et datum est illi ut cooperiat se byssino splendēti et candido.

Byssinum enim justificationes sunt Sanctorum. Et dixit mihi : Scribe : Beati qui ad coenam nuptiarum Agni vocati sunt. Et dixit mihi : Hæc verba Dei vera sunt. Et cecidi ante pedes ejus, ut adorarem eum. Et dicit mihi : Vide ne feceris : conservatus sum, et fratrum tuorum habentium testimonium Jesu. Deum adora. Testimonium enim Jesu est spiritus prophetiae.

R. Audivi vocem. 414. cum Gloria Patri. Timete. in fine.

Lectio iij.

ET vidi caelum apertum, et ecce equus albus, et qui sedebat super eum, vocabatur Fidelis, et Verax, et cum justitia iudicat, et pugnat. Oculi autem ejus sicut flamma ignis, et in capite ejus diademata multa, habens nomen scriptum, quod nemo novit nisi ipse. Et vestitus erat veste aspersa sanguine : et vocatur nomen ejus, Verbum Dei. Et exercitus qui sunt in caelo, sequebantur eum in equis albis, vestiti byssino albo et mundo. Et de ore ejus procedit gladius ex utraque parte acutus : ut

in ipso percussat Gentes. Et ipse reget eas in virga ferrea : et ipse calcet torcular vini furoris irae Dei omnipotentis. Et habet in vestimento, et in femore suo scriptum : Rex regum, et Dominus dominantium.

Te Deum laudamus. 20.

Ad Bened. Aña. Cognoverunt* Dominum Jesum, alleluia, in fractione panis, alleluia.

Ad Vesperas, nisi occurrat Festum novem Lectio-num, a Capitulo fit de S. Maria, ut infra.

SABBATO.

Delibro Apocalypsis beati Joannis Apostoli.

Lectio j. Cap. xxij.



ST ostendit mihi fluvium aquae vitae, splendidum tamquam crystallum, procedentem de sede Dei et Agni. In medio plateae ejus, et ex utraque parte fluminis lignum vitae, afferens fructus duodecim, per menses singulos reddens fructum suum, et folia ligni ad sanitatem Gentium. Et omne maledictum non erit amplius : sed sedes Dei, et Agni in illa erunt, et servi ejus servient illi. Et vidē-

bunt faciem ejus : et nomen ejus in frontibus eorum. Et nox ultra non erit : et non egēbunt lumine lucernae, neque lumine solis, quoniam Dominus Deus illuminabit illos, et regnabunt in saecula saeculorum. Et dixit mihi : Hæc verba fidelissima sunt, et vera. Et Dominus Deus spirituum Prophetarum misit Angelum suum ostendere servis suis quae oportet fieri cito. Et ecce venio velociter. Beatus, qui custodit verba prophetiae libri hujus.

Lectio ij.

ET ego Joannes, qui audivi, et vidi hæc. Et postquam audissem, et vidissem, cecidi ut adorarem ante pedes Angeli, qui mihi hæc ostendebat : et dixit mihi : Vide ne feceris : conservus enim tuus sum, et fratrum tuorum Prophetarum, et eorum, qui servant verba prophetiae libri hujus : Deum adora. Et dicit mihi : Ne signaveris verba prophetiae libri hujus : tempus enim prope est. Qui nocet, noceat adhuc : et qui in sordibus est, sordescat adhuc : et qui justus est, justificetur adhuc : et san-

ctus, sanctificetur adhuc. Ecce venio cito, et merces mea mecum est, reddere unicuique secundum opera sua.

Lectio iij.

EGO sum alpha et omega, primus et novissimus, principium et finis. Beati, qui lavant stolas suas in sanguine Agni : ut sit potestas eorum in ligno vitae, et per portas intrent in civitatem. Foris canes, et venefici, et impudici, et homicidae, et idolis serviētes, et omnis, qui amat, et facit mendacium. Ego Jesus misi Angelum meum, testificari vobis hæc in Ecclesiis. Ego sum radix, et genus David, stella splendida, et matutina. Et spiritus, et sponsa dicunt : Veni. Et qui audit, dicat : Veni. Et qui sitit, veniat : et qui vult, accipiat aquam vitae, gratis. Contestor enim omni audienti verba prophetiae libri hujus : Si quis apposuerit ad hæc, apponet Deus super illum plagas scriptas in libro isto. Et si quis diminuerit de verbis libri prophetiae hujus, auferet Deus partem ejus de libro vitae, et de civitate sancta, et de his, quae